

Dr. M tenang merenung jauh...

STRATEGI KEKALKAN KERUSI KAMPUCHEA DIBINCANG KUALA LUMPUR, Sabtu

DATUK Seri Dr. Mahathir Mohamad berbincang singkat dengan Menteri Luar Thailand, Marshal Siddhi Savetsilla, mengenai masalah Kampuchea.

Menurut Ketua Setiausaha Kementerian Luar, Tan Seri Zakaria Ali, rundingan tersebut tertumpu pada strategi mengekalkan kerusi Demokratik Kampuchea di Bangsa-Bangsa Bersatu yang bersidang minggu depan.

Menurutnya, Marshal Siddhi telah menerangkan kepada Datuk Seri Dr. Mahathir mengenai hasil lawatannya ke negara-negara ASEAN bagi mengatur strategi mengekalkan kedudukan kerusi Demokratik Kampuchea di Bangsa-Bangsa Bersatu itu.

Di samping itu, Marshal Siddhi menerangkan kemajuan yang dicapai oleh kerajaan campuran di Kampuchea dan mengkaji perkembangan-perkembangan di sempadan Kampuchea-Thailand.

"ASEAN yakin patut mengekalkan kerusi Demokratik Kampuchea memandangkan usaha yang dijalankan oleh Putera Norodom Siha nok melawat negara-negara luar untuk mendapatkan sokongan," kata Tan Sri Zakaria.

Tan Sri Zakaria berkata kerajaan campuran Demokratik Kampuchea kini bertamabah kukuh dan diakui oleh negara-negara dunia.

Perjumpaan tersebut dihadiri bersama oleh Tan Sri Ghazali Shafie dan Setiausaha Parlimen Kementerian Luar, Enik Kadir Sheikh Fadzir.



● SELALUNYA, menunggu begitu lama, tentu membosankan. Tapi, Datuk Seri Dr. Mahathir Mohamad tidak begitu.

Beliau tenang merenung jauh, menunggu ketibaan tetamunya.

Perdana Menteri menunggu kunjungan Menteri Luar Thai, Ketua Marsyal Udara Siddhi Savetsilla, di tingkat 26,

Hotel Hilton Kuala Lumpur, tempat Perhimpunan Agung UMNO Ke-33.

Presiden UMNO itu sanggup meluangkan masa, tengahari semalam, untuk berbual dan berbincang dengan tetamu itu, walaupun perhimpunan masih berjalan terus.

Beliau menfikirkan, tugas negara dan parti perlu berjalan seiring — sama penting dan sama perlu dilaksanakan.

Foto: MOHD. YUSOF.